

四庫全書

集部

欽定四庫全書

集部

龍雲集卷一至三

詳校官庶吉士臣吳烜

侍讀臣孫球覆勘

總校官進士臣

朱鈐

校對官中書臣

陸湘

謄錄監生臣

徐元湘

欽定四庫全書

集部三

龍雲集

別集類二 宋

提要

臣等謹案龍雲集三十二卷宋劉弇撰弇字  
偉明安福人元豐二年進士復中博學宏詞  
科初知峨眉縣改博士元符改元進南郊大  
禮賦除秘書省正字歷實錄院檢討事迹具  
宋史本傳是集名曰龍雲者書錄解題謂龍

雲安福鄉名衾所居也其文不名一格大都  
氣體宏整詞致敷腴周必大作是集序謂其  
醺經飫史吞吐百氏為足繼歐陽修之後而  
上接韓文推許未免溢分宋史本傳稱其文  
剗削瑕類卓詭不凡庶幾乎近其實矣詩雖  
才地稍弱要亦峭拔不俗異乎庸音之足曲  
也其集初刻於浦城僅二十五卷紹興四年  
其鄉人羅良弼搜求別本益以彭德源曾如

晦等所編又得宏詞時議論諸篇於郭明叔家總六百三十一首釐為三十二卷後附誌銘及良弼跋歲久板佚明弘治中劉璋復序而重刊吳之振撰宋詩鈔不及彙集曹庭棟撰宋詩存始補收之蓋傳本較稀故之振偶未見云乾隆四十六年四月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

費

墀



龍雲集原序

廬陵郡自歐陽文忠公以文章續韓文公正傳遂為本朝儒宗繼之者龍雲劉公也公諱弇字偉明居安福縣之龍雲鄉文忠薨于潁公方冠不及從之游然斯文未喪何害為韓門籍湜也先是汴京及麻沙劉公集二十五卷紹興初予故人會昌尉羅良弼徧求別本手自編纂增至三十二卷凡六百三十餘篇嘉泰三年賢守豫章胡元衡平一表鄭公之鄉里訪襄陽之耆舊欲廣其

書激厲後學予亟屬羅尉之子泌繕寫定本授侯刻之  
頃嘗與鄉人論公之文如南郊賦氣格近先漢已為泰  
陵簡推詩書序記往往祖述韓柳間或似之銘誌豐腴  
規摹文忠讀者可以自得至於才學出處具載李彥弼  
誌銘羅氏跋語皆月旦評之不可易者也四年六月某  
日少傅觀文殿大學士致仕益國公周必大序



欽定四庫全書

龍雲集卷一

宋 劉侔 撰

古律賦

進元符南郊大禮賦表

臣侔言臣疵賤坎壈生亡益縣官紹聖中有司第臣宏  
辭程文入等奏御蒙陛下誤恩擢太學博士厥績弗底  
祿尸食浮今者歲一再見矣平居訓講之暇不敢自齒

於錄錄則間驤意翰墨因得窺知古人所以班班槩見  
而不可厚誣如三都二京客卿烏有之比者竊嘗謂詞  
人文士之作雖取經不闕去道闕遠至於變化飛動神

開筆端得不因人自我作古新一代耳目起太平

一作帝王

極功有如此曹殆不多得屈宋已還賈生相如向裛雄

固最號高手能使往漢光華至今數子力也自時厥後

苟作之徒敝毫殫楮或文不足以起意或趣不足

一作得

以會真而其時君至有持一時赫赫盛烈甘心低徊委

之斯人之手磨滅就盡豈不痛哉恭惟皇帝陛下光明  
緝熙纂業七世自親政以來事條物理包乾枯坤縟儀  
豐藻符貺休顯雖古號丕平極隆無以加此矣乃者冬  
至有事于南郊其日甲子最道家所貴協吉登良曠古  
難值况復肇營齋宮一作居燕神億闕明行事之始曠無纖  
雲風恬星輝萬里一色竣事復輒登門肆肯天人統和  
臣弇時則猥預祠事耳更目悉竊自慶快以為出於昔  
人以有事為榮欲馬而弗獲者遠甚夫易難遭忽希闕

闕熙事而不榮鬱主美而弗宣亦懷薄技而不效者罪也臣弇不避僭易頗復采掇西漢氣質課成元符南郊大禮賦一通使萬世之下知有吾宋如白日之麗慶霄茲臣志也夫餘力逸勁飲羽於石梁上方宋人之弓則不足然臣之精力自以為盡於此矣謹昧死繕寫隨表上進伏望陛下清閒之隙少紆睿覽則臣雖沒齒榮莫

大焉臣無任

云云

元符南郊大禮賦

粵若溟滓鴻濛之始登魚奠獸肇豺獮之知圓顙方趾  
厥協精純肅專於是乎有祭及稽諸載籍則郊之禮尚  
已傳曰帝王莫大乎承天記曰惟聖人爲能饗帝以其  
祖配則七代之所更立如指諸掌者蓋明乎郊社之義  
虞夏商周胚胎前芳繇冥謦黃用詔于後王

京本無此字厥

惟舊哉及陋者爲之則誣天贅祖神醊雜擾其語弗經

見措紳者不道九天太一三一八神則方士之說試黃

蛇白帝陳寶鳴雞

京本作雞鳴

則秦餘之祀舉或龍馬寓木

或待我而五或遙拜竹宮或俛子旁午故漢三十年間  
天地之祠五徙而稚圭之徒罷去四百七十餘所有唐  
末造闕漏莽鹵殆不足數是則數千百載寂寥無詔之  
闕典誠有待乎我宋七世彌文之真主矣昔者五季不  
綱嘯屯拏否童阜魁陵蕩去典制遇民則雉氏刈草置  
國則累棊十二雪桃薦屨顛倒本末飲羊璞鼠度屨竄  
真盛鶴列者羞綿絕笑章甫者高惠文翼飛虎使一作與  
婪食冠沐猴使搢紳慄慄遺黎沸糜擾雲柴薪燔之弗

嗣立故園而益泯凡時君惡其害已也十去八九而先

王所以揭虔妥靈者其間僅存

一作序

雖有天成長興之

字圖固已怛怛赳赳翦翦焉獨奚補吾世之討論哉

京本

無世

我藝祖之初也皇武奮張拱揖宅師奠九廛而業

萬世支傾柱而紉

京本作紐

絕維道寵德絡藥療砭疲于斯

時也武而未熙太宗熙文僕我景命汾晉江吳以次係

頸去鼠箚之苛俟如黃之諍于斯時也熙而未定大定

維真底綏謐寧貯祥儲休汾睢

當作睢

云亭于斯時也定

而未成然猶一祖二宗或五或三嚴配昭升往遵于南  
曰仁曰英承憲履繩乾酬坤答轂不及停爰迨神考基  
命宥密釐正丕誕無文咸秩剝促陋與逴脆獨飛蕤而  
選質上咸五而下登三墳作四而籍言七更載十九上  
儀越軼則有元豐之祀典存焉及陛下繼之也履紹聖  
躋元符轡夏子觀唐虞童劉李廝魏吳掃攢蠹如彈座  
開夷軌乎破觚臯後變前履錯珮摩洗渭巢箕來游來  
歌懟往者易頑顏而鑿方心跼新者厭京本作厭淡泊而醒



醇和寡同類之秀而穀人腹沐塗旁之枝而桑者衣霜

顛卒齒而不兵黃吻嘯儔而課嬉裛衣短後羽襦祗祓

陶冶於旣醉風胎雨驚灌莽苞皂長懋

京本作楸

乎由儀雞

犬之聲相聞烏鵲之巢可窺若乃史不絕書則甘醴歲

濡華滋宵零奔精標南而照老榮波醺曲以薦清緇文

黃輝素鳥

京本作鳥

朱英四肩九尾不可殫名象來致福則

髻首鑲耳之俗頭飛鼻飲之鄉濮鉉僂卧之酋長戴斗

蠅蠅之名王解辯削社踵係乎職方然猶雍上久虛傳

國壽昌之玉刻譙赫申旦下貫不揜之景光仙驥儷翼  
於武夷駢竹筭於豫章是謂應期紹至不特創見豈  
徒諸福之物可致之祥也邪聖上則攬龐禧初矍然諏  
挹損採摛謙休哉孰為此者我則歸賴於天於是條頌  
祇之書下發中之詔天姥之日練掌故之儀章即是歲  
之冬至將有事乎南郊之兆禮也先是齋宮僅存翼以  
縵城有司弗虔柱頽支傾天啓人憇殿營端誠觀夫端  
誠之成也司空庀徒太史揆星審曲面勢匠人是經爾

乃計工倭課匠石陰陽順衆材度霰屑雨梯聾山噓壑  
協庶民之子來謹百堵之皆作於是桴木姑繇之墟薦  
舄苑蓬之巔負瑤光而捫太乙走神臯而眺綺阡飛轍  
軒軒而鵲起俯梁亘空而虹蜺左平右城青瑣綺疏的  
爍連蜷承阿結隅叢芝栢與繡窰燿賦白而駢朱銜環  
躍楯千詭萬殊豈惟仙靈雲氣倩練而霍靡厥有飛廉  
翁仲矚睽而睢盱其前則崛起泰禋瞰臨朱垠象嶢闕  
之中天疑徙居於化人其後則崇墉屹屹配以拱極嘉

時表事則肅成西直銅題鉅砌微道外周扶拱棲廬陽  
烏陰虬狀嵬我而兼業吁欲擲其中留然而高廂嚴除  
窸窣靚深舒紫蔭之奕奕眴清思而惛惛卷皇明於寂  
照攝睿念於幽襟於此而疏淪澡雪則見其所為齋者  
於此而觀天地萬物之復則履新陽於故陰於此而朝  
羣臣則壯萬乘而取威重於此而申懿鑠則有嘉德而  
無違心是謂一舉而四善得豈比夫雲陽甘泉窮物怪

而誇麗淫者哉然後前期七日受誓戒飾戎容命掌次  
使設邸詔封人使壝宮請中嚴而奏外辦毋不恪以彙  
臣工款原廟而朝祔室龜食墨而吾從是日也改天步  
仗黃麾服大裘翳華芝巾玉輅駟秀騏撰清旂旅飲飛  
平盤廓以蠖略兮緼帶颯而葳蕤絢綢杠之孑孑兮右  
闐戟左青旂百神警而陪衛兮千官儼以離褫於是雲  
穿啓行攄弩射私褻稍星羅柯舒鱗差鳥號夏服星鎬  
月弦跳盪虢闐震震闐闐塵不漸輒委如注川初逗隘

而取寬俄舉中而包偏清蹕曳聲而肅譁班劍竦飾以  
陸離鼻獸獻馴而雅拜天驥睨雲而嚼羈黃道端以綢  
直兮下朱雀迤南薰物色別之五衣兮翕焉綺錯霍馬  
霞分貫裂闕以靡旃兮哄閭闔而噫輪詰蚩尤使當兵  
兮戒雨師使清道塗波涌而燎揚兮默霆吞而鯨宵爰  
黻丘而跳巒兮悅神騰而鬼趯子笑切出河東賦辰十二以效  
時兮車抗指而司方蓬勃鬱翁踪以戢晉兮半岸叱綽  
沛以相羊騰蛇白澤詰呵神姦兮桃弧棘矢攘却不祥

決旬始而掃撓搶兮飛蒙茸而走陸梁爾乃賁諸之儔  
拘怒立發跋扈睚眦陰伺微察鏤朱涅墨裂皆直髮當  
之者糜碎過之者氣奪曾徒手之不抗况臂弧而腰鐵  
於是乘輿之至端誠也適晡焉然後金吾誰何挈壺警  
昏雞人叫巾車而呼旦太宰眡滌濯之前陳物告備攢  
題揭寘蒼壁豆京本作玉登設器陶匏席藁黹牲孔時酒醴  
潔時也天形束磬萬籟寂絕玉繩低隅而黏波霜華飛  
清而漲一作張闕蒼虬蟠闥而不動燭龍噴垠而布藝班

馬蕭蕭七萃卷舌絳紗萬枝扶鑣夾轍烘麟髓與鳳膏

邈珠還而電掣天子乃步自大次暨小次而須馬左延

右揖樞臣禮官以引以翼遂造乎

京本作平

壇端柴

京本下有望字

煙升帝謔寫靈斯旂下風馬藝祖是配禮無遺當作者

百神受職魚魚雅雅將事之臣罔敢不共肅骨嚴顏秋

秋

京本作秩秩

顙顙弁匝首以星俯球飾趨而鸞雛若乃

京本

作堵以備樂磬蕭笙鏞孤竹之管其宮園鐘狎獵後先

翠葆崇牙宣和播粹金支秀華般裔裔以依永貴人聲



而登歌以亞以終飲福受胙熙事備成權

京本作燿

火斯舉

御端誠而大朝會于以篤萬世無疆之祐

二本同疑作祐

於是

屬車改轅先驅復路乾熙坤恬協泰齊豫疏祥飈而舒

徐翁游雲而布濩奪騁目而醉夸心抃藪足而蹌林羽

十乘萬騎不暘而暄望彷彿以依約至徘徊而蟬聯霓

衣差綵以暗地雲韶紆聲而撲鄺車轍馬跡無取獨謠

白雲之穆滿驂龍駕鳳尚陋按行蓬萊之列仙上乃御

應門弛金科天德貺

京本作天貺

百福荷鏗萬石考雲鼉奏

隆安協猗那皇心懌賜顏色揭雞竿繫囚釋堯言布漸  
動植翔仁風滂睿澤綢繹祀典攬鬼潜德興滅繼絕蠲逋已  
責徧存問乎高年秩牛酒與束帛於是歡呼之聲沸渭  
鏘洋億庶千官環瞻赭黃慰若大旱之望雲霓榮若湛  
露之晞朝陽快若庶鳥之宗鵬鸞竦若衆山之景嵩常  
也今夫施決則報斯腴德茂者禮逾文其事則丘上帝  
而廟祖考其教則尊尊所以為義親親所以為仁然而  
博碩肥腍亦或吐諸則貴德不貴物齋戒沐浴有取乎

爾則在誠不在人豐茂省則大饗不足以大旅牛慙禴則東鄰不如西隣此固元符所以材兆物瑩吾民時斟酌攬精真陋前代而講嚴裡也頃歲宗祀明堂格于蒼昊哀對神考既往之聖孝也間者爰兆北郊媪神是報以須敬造方來之順道也今又睹夫端誠之峒峒搶空跋翳方地跣而天到擁和纏休實神明之所相勞非曠古盛德效邪茲亦羸國削君冗儀細藻羌不可得而匹紹也且夫留滯周南馬談則沒有餘恚當君而譽堯舜

亦將生之所深恥正得春而不荇信窈艷頑茲而已矣

况若小臣親陪祠事苟蟄吮而錮毫持此將復誰

京本作復

將諉不其鄙歟不其鄙歟敢拜手稽首而為之頌曰

頌洞蒼莽辟元精兮陽司陰醜

京本作矚

無臭聲兮契彼自

然壇園成兮百聖差軌歟拳擎兮宋更七世邈飛英兮

紛紛煥爛賁朱垆兮瓊

疑作瓊

開金闔踴端誠兮蹂漢轡

唐奄上征兮帝謔肅將臻百靈兮倬彼慶霄薦清明兮

於焉降格若見情兮自時厥後福岡陵兮若之風雨安

日星兮臣夷妾狄寢五兵兮疇蟠瓏紫稼坻京兮顯允  
天子我民寧兮於萬斯年揭鴻名兮

德至者色澤洽賦

德輝發形  
顏色斯洽

德既能至形斯有歸故茲色澤之洽率由充實之輝根  
百善之大全初忘物我暢四支之積美罔汨脂韋竊原  
樂莫大於誠人之生也直厭有備善是為至德苟本諸  
中局者未始虧贅則見之外貌者何煩藻飾立其大者  
性命默爾以皆安人焉庾哉色澤油然而可識外秉四

重中清五綦其中周旋而盛亦已至其蓄剛健而新從  
可知純德發若粹和在斯朝廷之上閭閻而侃侃閨門  
之內愉愉而怡怡志意致修居有潤身之積英華外發  
形焉晬面之滋接物非特旣其文成已為能用其極如  
霧豹馬澤彩於幽眇如山玉馬揚輝於伏匿杜人偽之  
象恭發天真之踵息默然而喻始符通理之黃中即之  
也溫卒異鮮仁之令色誠以矜藩祭而歸者驕泰可賤  
取夏畦之病者諂容孔艱又孰若藻德小言容之足美

身卑口耳之間窮而衡泌則神王而氣逸達而朱金則  
心舒而體閒陋翫辭之元叔體柔嘉於仲山觀我朵頤  
微羲易捨龜之躁赫如渥赭得衛詩錫爵之顏有動之  
而斯遠暴之明無就之而不見畏之忽趨行奚事於舜  
禹肝膽靡憂於楚越何假地文之示自得天光之發所  
以養氣而無是餒嘉孟氏之醇醇樂內而何其臞偉顏  
生之勃勃向若蒿目自累火馳弗寧窘勞倦不枯之貌  
圉睢盱承豫之形槁項黃馘者既中已無主曼膚駢肩

者又愚而不靈遂使赧赧而非所知徒慙表襮詡詡而相取下舉昧沉冥夫豈知彪外之君子不誣踐形之聖人可法蓋泚頽而達面目者未免愧積則養指而失肩背者良由智乏故曰德至同於初色澤何從而不洽

仁人之言其利博賦

仁者之語其利誠博

君欲圖治臣當志仁至矣斯言之告博哉為利之均始陳溫厚之辭徐裨庶政終致休明之澤廣被烝民夫惟四海之廣無窮一人之臨至寡謂為之法制雖係於君



上然物

疑

之寬恕實藉乎仁者優游亮直來篤論於上

聰普博淵深洽湛恩於中夏誠以惻隱之德素備惓惓之心內持一啓沃盡蓼蕭之澤一贊襄皆行葦之慈禍貽無俟於後悔罪苦靡容於橫罹凡有說也民皆利之觀過斯知方自立談之頃成功則一果周時措之宜膏澤於是下乎民匹夫無不獲其所方明已任之莫重豈止悔亡而有序淵若達德藹如法語推陳賤踊嘉晏子之告齊別白蹊田美叔時之悟楚豈無厚貌終身戚施

豈無邪說觸塗說隨蓋愛已甚篤則愛物亦至而處情  
彌厚則處人豈欺是必取布帛以兼暖恥風波之數危  
慮既及此言斯善其大人格君之非初不勞於自反惠  
心盡物之願曾莫見於容私故夫物則能供其求以民  
則皆受其賜濟人何補於陋術移粟何啗於末利又孰  
若天回上聽之默識仆起積年之弊事已殊咸口徒深  
志末之滕無取屯膏終愧未光之施厥後俗既持薄說  
非用情鄙矣嗇夫之便捷紛然戰國之縱橫膏唇拭舌

而何有理奪剥膚椎髓而適資患生煩或勝簡偽斯奪  
誠利口覆乎邦家悲聞班固傷人甚於矛戟歎起荀卿  
異哉守中無待於多言寡信或生於輕諾蓋世濟其美  
者由反君於道民受其弊者亦逢君之惡故知仁人之  
言其為利也博

欽定四庫全書

卷一

龍雲集卷一

欽定四庫全書

龍雲集卷二

宋 劉弇 撰

宏詞四首

紹聖三年丙子第二人

太史箴 并箴

慶霄之清明星日之輝融寸眸甫運而全體斯得則臺  
輿牧圉預有其察及夫手揮堪輿神交浩茫形游域中  
而效在前堵雖有智巧將嘗試而不得也於是器數出

焉日有闇曹月有仄匡星有園角氣有監彌使知有器  
取夫三百六十五度四分度之一者寓焉使知有數器  
數具故雖處蔀屋之幽間

疑作閣

而視周於崇榭之高明

臨風雨晦明之宵分而察加於白日之正中然則歷世  
之相與攸賴不曰中規之渾儀乎昔我神

一作皇

考之在

宥也命以司天監為太史局而遷之其後築臺別置渾  
儀象激金水其下機擎輪吞排晦幹明至與造化分疾  
徐低昂上稽洛下閱圜儀旁採張平子靈憲若乃賈逵

黃道金常游儀與夫區區令瓚之屬方之惡如也然天  
體與人每遠至其情則與人莫近焉其於人君顧有所  
謂亶然畏愛之者愛之欲其登假至於道故發祥隤祉  
有不待頃而契畏之使知兢兢凜凜於有天下而如有  
睨乎其左右者則夫流字忒蝕侵射暈珥時亦不免而  
已矣取以告諸上焉真太史事也噤不恪職是誰之過  
歟竊惟春秋日食星隕且字皆所謹書以戒後世之為  
人君者而漢儒之陋必待變異發見君親策于庭然後

告則已無及矣敢附虞人牧臣之末庶幾視太寶丹扆  
為無愧而塵露之補誠有在於是者謹拜手稽首而獻  
箴曰

茫茫古初孰測孰窺人不自智器將安施爰有作者揭  
為渾儀以智分人揣器而知兩曜合璧萬芒旋蟻四七  
是經錯若慕峙誰其尸之小臣太史舒魄曦輝俯事仰  
參德隆畧星初不廢占天子命我敢窺而恬焯彼軒象  
內治既飭三能協明夔進臯陟太一萃貺筭開南極勿



謂軌道而靡忒蝕勿謂助順弗見它謫晝舖宵飴室靡  
窶奎南渥雲油長我稷黍歲雖守心當序先具偏裒縵  
胡化為神綏一兵不試推舞耄嬉芒匿角伏當謹我師  
馴致醇醲民則不犯覆視貫索作我刑鑒魚罩駒維英  
收俊攬揆之少微為得賢驗從古盛王靡不抑畏朽凜  
薄兢常出於未損滋避正非德之貴福莫盛於保成莫  
進乎祇史臣司天敢告執綏

代宰相以下謝賜新修都城記表

臣某言

云云

鐵甕崇墉更邇臣之筆助龜趺妙勒單上

聖之龍光祇服有初黜循知幸臣某

中謝

竊以聖人畫

坎而設險以守則寧君子因萃而除戎不虞是戒運際

烈考策收故臣拓上世之金湯就積年之畚築屹臨綺

甸矗起雲罍控函夏之襟喉憲紫垣之象緯固侔繞雷

順劇建瓴下陋雍強遠卑墨守雖翼然京邑於此乎即

安而成若靈臺不可以弗紀是資翰墨以揭日星恭惟

皇帝陛下奠麗重光宅中圖大政事默修於閤暇道德

馴致於安強託不朽於豐碑喻難名於黎獻露零沾滑  
粲墨本以爭濡漢倬昭回飾節居而增賁而臣考覽前  
代揣量極功誥洛宅則止取丁寧賦漢都則曾徵歎識  
岐鼓不聞於逮下嶧山何補於示夸非如盛朝式在先  
業臣敢不體防微杜漸之意稽經久持遠之功矜耀里  
閭閱藏巾衍辭無所愧皆寫諸琬琰之餘家有其傳非  
副在京師之比臣無任

云

紹聖元會頌

并序

臣伏觀唐虞盛隆五服迭朝更夏商周斯制加密禹會  
塗山玉帛萬國至於商湯爰有景亳豐宮岐陽成康是  
因三朝受圖漢人賦之區區朝儀未造有唐亦或不廢  
况膺正統席歸運未有若我宋之盛而陛下之躋閔休  
緝墜典也邪若乃出千品具萬方計億事材非物此而  
不綴非翰墨者罪歟小臣被學最舊於頌為宜為頌曰  
皇帝嗣位十有二載天庥地涵與物開泰曰臣曰妾罔  
有內外章甫短後秀顙髻睥陶粹飲和萬室一態朝躋

暖良獄洗鉗鈇文黃輝擾籩嬉瀨皇帝曰嘻當飭盡  
壞奉先紀元庶靡洞悔有司跽言月征日邁往雖郊見  
繼又禰配協休登平民物和會惟是班朝亦禮之大懿  
典徽綱不可弗再請以孟陬百執前戒帝曰俞哉往踐  
毋懈于時三朝錯事展家初陽載暎晨陰剝解梢飈扶  
飈飛廉肅矚旒頭陞楯黻韜金介萬官翔洋至止藹藹  
鵷紛鷺綴屏息收噫冠纓聯聯璀璨鞞佩五路中陳駟  
虬沛艾芝蓋葩華煜爚綵縹如星拱極如水委海如天

斯臨如日斯挂衆樂備舉縹以清籟乾安正安迭用並  
採虞業騰拏祝裒敵殺么麼刊落兇離傑侏奄臻八紘  
效琛走貝地官宗伯履貢斯在四夷君長立列巖巖濮  
鉛鳧更遼差羌輩藿心晞陽左言推髻舌人象胥委體  
司話尉臣稽首赫我昭代農敏于疇吏康于綽卧鼓鼙  
弓不怵邊蠻萬宇更始擁相駢賚天子萬年福祿攸介  
元作屆一作介尉臣稽首禮則不怵玉色粹溫旁諏下  
蓋上已有金介逮孰為蠹螟孰致劬勸財力孰羸仕課孰最孰有國急

孰斯民害孰俊未蒐孰冗未汰孰懲孰革孰勞孰佚百  
辟愉愉並受詰誡天子萬年衍衍樂豈尉臣稽首竣事  
而退於皇緝熙衷時之對零我渥恩鴻濛汪濊聖敬日  
躋取乾用夬天子萬年萬世永賴

誠諭士大夫敦尚名節

朕惟先王所與圖闕之人修潔雅馴殖德甚固初若與  
世無營而及闕諸朝與寄之民上則不懲而夸者化肅  
不督而陋者化通浮鏤不待鎮而厚濁墨不待激而清

其久也臨大節而不可奪居盛名而不為難非盛世之  
效歟朕甚慕之今則不然士大夫或冒沒輕僥阻深不  
情驚勢者以詭祿為壯圖喜高者以養望為得策責之  
事而身偷激之言而氣索甚者掉之以得喪慄之以死  
生則低摧沮奪惘然自失名節若此朕何望焉豈帥之  
者未至歟意者悅日暘歲忸怩於末流所謂風聲氣俗  
者闕靡使之然歟夫中人之性惟勉乃至僥倖之習不  
可滋長好是正直者福必介罷弗任事者不待頃而廢



古之道也其布告士大夫使知朕意

龍雲集卷二

欽定四庫全書

龍雲集卷三

宋 劉弇 撰

古詩一

贈賈仲武

賈侯器宇何軒昂  
下視齷齪真粃糠  
眉分八字髭根黃  
自許忠膽鐵石剛  
彫弓一挽一石強  
錦臂錯出虬青蒼  
匣劍排射星斗光  
壯心飛過祁連傍  
架鷹朝按血染裳

鐵驄騎出轡開裝健兒前呵楸列行捷矢齊指雲中鶴  
豈惟武力稱擅場亦有文價騰焜煌新詩字字古錦囊  
清論灑落飛天潢險韻千百敢獨當管鋒落紙鏗琳琅  
古文探討屋壁藏史傳山岳遺毫芒酒酣往往歌慨慷  
連卷大白鯨吞航自云疇昔富文章家在冀北邊一方  
天書屢膺貢州鄉雲衢卜日橫騫翔中間落泊志不償  
武科拉取如截肪况有豪氣十丈長蟠蟄僅類絆驕驕  
苦恨天驕久頡頏撫臂便覺大袂攘坐縻歲月耗困倉

口厭醇釀飽肉梁吾非斯人可相望要且報國真不忘  
我來自東南春陽邂逅紺宇同一觴幅巾輕蓑追徜徉  
促膝調笑初無妨自知投分出泛常豁如餒腹得糗糧  
短長不復置形相落去瞬睨決壅防嵇生轉覺嗜鍛忙  
高陽還因酒發狂漫叟戲規祇攪腸唧嘈不減笛弄羌  
截竹岳頂掀滄浪撥雲春茗誇頭湯夾齒旋復行蔗漿  
黃金大顆披橘穰捧首往往羅幽芳頃茲行樂殊未央  
更辱邀我臨山岡大壺載酒冽鼻香果飮梨栗庖麇臠

韓劉黃胡狄與張一一瀟洒雜珮珩高談終日佛老莊  
妙理默契矢挿房絕倒頓足爭蹌踉罷去追惜成悵悵  
誰謂夫君氣特揚投以大句尤加詳啓函愜興劇爬瘍  
忽疑寫睇臨望羊高躋欲斧李杜吭麟鳳自是品物祥  
邀予屬和馳縑紉直取夷險分驚良九牛犒師始落銚  
正喜先獲大轡嘗洪河下湧淼沛滂囚屯衆鬼納大荒  
脫走束縛投桁楊渾郎瞰臨獲與臧滿注羿矢連九暘  
沉魂夜泣青女霜此來繼辱厚意將殆欲引轍觀怒塘

狗尾續貂彌足傷凋胡未易加糠粃搏空方見一鶚颺  
短翮便可搶榆枋咄嗟豈得不知量區區瑣碎久嗜昌  
食魚誰敢期大魴尚欲勉強牽牛箱無鹽弄姿映康莊  
難工祇益羞姬姜聊將瓦礫酬琮璜終愧後來非騰驤  
元豐辛酉七月九夜大風四十韻

海傍七月無好天頑雲夜半爭糾纏雷公轟車電操幟  
如以墨汁當空灑門闌刺眼不見地逼塞四野可築拳  
須臾霾風簸颺起便覺怒寂号喧闐茫茫平地駕輕輶

礪石雜下麗譙顛駟狐投隅狗走竇拔木僵仆踵不旋  
鏗轟時聞擲飄瓦洶沸錯以池羹煎藩垣卷去甚撤幙  
屋壁如受衆挺挺戛空飛礫正激射况復急雨篩涌泉  
初疑昆陽適猛獸又訝伏弩攢麗涓黔頭豹禪健肘髀  
剖拆囊袋推鈴鍵天吳助強馬銜舞鼉鼬嗥嘯尸陰權  
呼聲過於赴趙日烈勢更甚焚崑前酣奔劇驟未已  
陣馬沓奏摩雙鞬蚩尤殲師灑腥血驅駕山岳揮秦鞭  
海濤撞春萬輦震岌業直恐三山騫林椒宿鳥亂投墜



脅息豈問烏與鳶蝦蟆何知妄嘈噴似為得意驚翩翾  
流螢迸草戢光耀啾蚓縮穴愁踈踈泓窰往往走湍瀨  
卧內自可浮長鱸伊余竟夕不成寐縱有短炬誰復燃  
屋如漏釜直下注坐取滲漉攢兩肩羸童叩鼻卧東壁  
噤不譁駭如束氈黎明下堂踏新淖祇覺撫髀成憮然  
平時里閭悉傾侈饑民塞竇突不煙田苗畦甲披殆盡  
草木豈復根株連蒂鐘墮簷相烏折笠承逸澤如遭暍  
我聞大塊初噫氣蓄泄蓋亦有節宣助天撓物著自易

標為玉燭存禮篇條無鳴聲瑞盛世反禾宛在隆周年  
厥惟反此是為戾標落下土災所緣堯罹長風釁滋甚  
縻以大徼尸諸鄺飛蟲蔽空廩君懟一昔崛起操戈鋌  
往時大旱幾赤地韓子訟藁于今傳詩人或以况威虐  
歌沛自是所見偏爾來暴旱亦時有孰與掀屋揚楣析  
小家破蕩大家耗飲泣茹恨肩相駢胡為斯民罹此患  
孰任咎責當尤愆我將聑天吐憤懣坐使百怪成拘攣  
是非曲直當有辨略舉大較歸吾編飛廉譴誅豐隆斥

庶幾復使斯民痊

同朱彥周遊元陽洞兼示文吳二羽人

窮西三湘鄰奔迫萬岑會盤拏崩騰根疑此先草

闕

不

周遷大荒勢落燭龍外遠徵混沌鑿晚怵大

闕

平疏

一注玉寬削四隅黛前崖初豪傍竇

闕

如塊暗蹊青

鮎卧

一作滑

側足得無殆霜蕤擁凝沫冰綴

京本作布

倚空蓋

危呀傲天頑九地一瘍潰鬱然蒿萃姿似與石廊配間

聞赫幽光吹作雷雨解石鼓形似餘擊考亦砰礚陰陰

隆冬戶塞向真瑣

闕

鴻濛挹氣母茫昧超物恠不應私

開闢

京本作闢

曾是閱成壞黃熊非鯨化九肋蕃

一作嬉

碩大

蹕蹕舞陰機無乃羞主宰

頃有人窮深見二鯨大如畝對踞竇傍若有伺焉者

芝桂

疑作桂

純白仙物今故在雲煙更斐疊巧弄非一態

簞簞下蕭摵

京本作瑟

往往到竿籟片桃仙凡隔愁絕止飛

瀨誰為篝火遊邈叩無底界世傳元崇隱茲事或虛採

驕陽五月竟客子短轅邁火鈴擲奔曦酷勢捎林薈追

隨邦閭彥及此洗長慨俯窺層氷拆蓐收借冷汰孤清

凜毛髮生意自百倍清絕兩羽人驚我鳳翰鍛掃開數

尋天援挽覓幽隘嘯儔欣魚貫詣極愁鷁

京本作鷁

退仙者

如可作庶或喬松賴

一云立拊喬松背

咄嗟早衰身樊籠信誰

罪便可冥三奔吞漱駐童彩收攝自煎明茲馬跡長晦

儀真呂明父席中觀新曲

有客揚楚舲歸歟汨吾事波神慳東漲吞過限脩蟬轉  
頭彫歲陰蓬行變匏繫一逢金鑾人穆我若清吹挽置  
十尺牀淵襟掃苛細壺封拆初黃露液攢沸蟻老實侑

腹

一作秋

紫枯螯嚼霜漬坐有豪爽譁譁睨雲驥屯雲

刮癡白有如擁天鷲疏櫺炯蕭森北固決遙皆半酣大

軸出鯨窟咀甘飴當中傾玄圃琺瑯紛百綴物愁殫眇

情神妬奪孤悶快魂疏泠泠大叱回熟寐况復儀真曲

不減銅堤思淒清激吳音皓齒曾未愧辛醎皆可口卷

舌得真意初如嚴冬逼肅物有餘喘末似陽春回恍入

衆骨醉將壇凜先登樂府仍一洗呂侯斯人望胸中弔

古氣二十佩青綸三十清間侍高纏見騰踏茂渥擅褒

賁頃來笑畫脂無補當身寄卜渠傲園綺秋蛸一官蛻  
大筆橫利槩興來即摩壘非如騷些徒冗語釀愁悱珍  
重白玉舩虹吞楚狂子

送方絢解元赴試南宮用桂林一枝荆山片玉為

韻八首

時方氏季孟三人五名前  
易荆字者避方家諱耳

紛紛束書兒穿穴蠹栖桂及當千人軍往往出下計誰  
如冠軍豪飄揚選鋒銳刺手拔鯨牙灑落見孤詣更看  
扶重關喜色動春袂

人言蜀道難歷井如一作加捫參何如棘圍裏對面橫霜

鐔聲價一日中不數雙南金秋風太清生半入瀟灑襟

袖有百鍊骨躍馬辭家林

馬家白眉良由來罕儔匹誰諧虞帝音貴在得夔一顛

預康樂後況有阿連出春留棣萼好影廁一作側鵠原密

定是金華遊羊邊起高叱

君王十二閑一一登權竒飽之青玉芻絡以黃金羈南

宮舊冀北雜還追風姿驕驪固神物豈病孫陽嗤如聞



有桂約暗滿秋風枝

我來莆之陽與子初班荆巖巖太古鏡中有不蝕明青  
細無留賞理到双必迎睢盱腐儒後數見胸膽橫詩哦  
逼振綺酒吸摧奔鯨若看老雄變冠距將而鳴

病夫亦何有愧彼小酉山賴君不佞擬校捷捫吾闕意  
豐報逾儉叩迫出益慳經鄆榛菜翦聖海波瀾開茲人  
不易得坐使幽懷刪

天王坐明堂溫詔飛赤縣家家魯儒生羣星會頭弁坐

愁谷駒空豈直軍魚擅子行殊未央去逐淮雲片神鋒  
正吹毛願看長鯨刺

女牀固饒鳳方流亦生玉百年海邦莆文雅殆成俗之  
人卷鯨波浩汗寄高躅鬪笑泝泝子長年事瘳瘳唾手  
拾壯圖未負春顛綠

古風謝汪都講示惜惜吟

番陽先生萬人敵少來繙書始成癖風前白眼望青天  
笑捉短鬚吟惜惜地祇闕鐵掣臨賀天家寶場正中劃

萬空

一作工

扶坎覓坤苗鑿盡頑陰冶清液銑磨鑱鑱歸

高手養水工夫價連錚別斲圓虛費鈇鋸粉白黛綠低

真色傳看代北青氍毹一泓幾動春消息無論丞相戒

撲滿先許司空熾

一作識

然石楚萍赫赤浪傳甘秦缶模

糊徒薦客由來此秘似未覩瑣瑣搔爬嗤美炙先生早

茂椿松姿道韻仙風方日逼胡麻青飢飯調饑夜榻抱

弓跽七尺粉闌聊當襖被遊齋携不靳奚奴力大甬酣

酣動蟄雷霜颯澁盡銅壺滴青螺仙女暮成炊絲竹夫

人寒卧僻興來銛筆卷天潢南國小巫陰褫魄悠悠萬  
物何親疎新故終緣世情隔夏裘秋箆竟誰負寢廟偃  
漉轉身易昨布東皇九十春融冶一番浮綺席莫學長  
檠換短檠惜惜鷓鴣夷兩拋擲

癸酉歲暮壽春道中五首

有城有城半蕪沒倔強當年開狡窟青韁白馬成底事  
魏得其狗空凌突清淮不洗饕利魄石馬崔嵬化英物  
據鞍浩歎為跼蹐但有悲風起蓬勃

有鳥有鳥高飛鴻哀鳴嗷嗷隻影東枯聲策策霜後葉  
狂態騷騷空際蓬秋毫不礙掛天斗一氣正在胚暉中  
客邪中饑亂心曲短裘垢襪催衰癯

有渡有渡背北城凌排駕淮吹暮聲郵程未央豈病涉  
寄汝一檝推生平古來豪士重感慨車下未乏宵衣征  
出處任天幸無苦有如此水吾其行

有叟有叟皤兩顛杖藜道周傲天年懷

疑作壞

顏發笑挽

行子胡乃憊為忘舍旃吾儕小人敢不勉孔孟卷轍如

趨旋男兒禿脰乃始已非爾所知徒憮然

有客有客垢髮鬚羹魁掛鞍無宿儲翹心北闕比寒藿

它日南山拋舊廬逆旅丈人

一作夫

真解意揖我下牀邀

踞鑪悠悠高門擊鮮于萍匏殊根勿誚渠

建陽縣二首

東甌消沉故王日俗號剽輕如故實挾策不數應門兒  
雅尚儒人鄒魯匹頃來官長稍自安市里頗聞浮訴室  
陳侯健者吾故人坐致豈康得無術

細民起商市日高紅女機杼仍分曹雙橋卧虹上下水  
石脊瘦龍狂鬪牢穉登爾場俗豐樂匹馬北客方滔滔  
轉將身掛利名網擲此故歲如騰猱

贈相掌文廖生一首 有引

相掌文廖生自云前十年余舊也 一本云余十年前舊也 因追計

登第以來符驗略如生言 一本云與生見許畧同 今又相遭於螺

水之上求余詩尤力因攬筆滿生之請云

廖生術天與如鑑掛高墀能以禍福語感動諸奔馳至

有不旋踵坐獲百萬貲推排鬼氣奪擯斥海岳移自云  
前十年負術驤螺湄閘中出雙掌得子如沙披乃今十  
年後所契了不疑況有遠大語未易論錨銖曾聞物外  
償不若君家詩吾謂廖生曰一詩何補為生云等詩爾  
我則如渴飢一詩固不惜為生試言之天地有文理俯  
仰自可推有文在其掌乃晉魯嬰兒方其表異態覽者  
初亦癡生當千年後把握論著龜顧京本作顧生勿輕許角  
立非生誰



贈廖相手一首 有跋

廖生得掌訣初

一作爰

自龐眉緇

生自云得術於南嶽老僧

束身事規

轡羞為不情兒力

一作間

持禍福語傾動諸奔馳所至餉

自倍如賈操羸奇衡從辨侵射側正分隆庠天緘耆初

閱鬼覲慳幽披環環太史氏抱珥司渾儀臺輿與侯

一作

公王初

一作自

不論何誰寫照阿堵中唯生鼓頷願自

一作

因云前十年挾術驤螺湄伸縮殆萬肘較量但

一作止

肥

羸最晚得子掌決皆逾灼龜九方揖孤駿神覩歸心師

子姑詰奇中曩言寧肆欺今者非他須子盍償吾詩冀

因拂衣還松九染高楣我聞

一作有生

圓形質至文

一作欸識

從

可推懸象麗霄極川岳羅坤維逸獸別彪炳

京本作炳鬱

激

水生

一作吹

漣漪上飾右繒綺高甍紛棗栖石鼓貴刻畫

汾鼎珍陸離鑑靈不漫理節煥饒豐蕤器敞緣有豐玉

捐

京本作卑

因見疵况當筋骸束前構了不疑縱理口尚驗

一作驗

卍字曾猶宜

一作萬胃表西慈

握鉤瑞宣父方蓐識

一作

符魯姬灑壁亦公耳刻文徒帝為妙寄斲輪外如生信

天資秋高撼萬木客竈倦孤炊徑掉直東臂喜動雲林  
姿贈言愧非澤聊以當瓢齋

生俚之尤者一日持兩盞自副曰是名兵厨冀以當  
子詩償子其就章母辭余笑謂曰方事之殷了不復  
有詩興視盞中物正自天遠亟持歸無多餽人也決  
起剖盞長跪見酌曰世所謂以軟腕此真是矣其不  
擇緩急如此不得已為倒盞詩以畀之且跋其後以  
見拳拳於一時云

走筆答郭子隆勾稽

春歸幾何時綠樹陰已滿蕭條子雲巷誰借吹噓暖常  
日雙柴扉深扃類休澣稚燕掠翩翩疎蟬弄淒斷擷芳  
聊自娛併食習成嬾疑疑棲鸞郎蝸居間三欸兒童憚  
逢迎應客事謾誕謝絕高軒榮祇增鼯鼠短賴君不吾  
靳尚復斗筭算南薰破笑語慙慙接閭侃酸然梅雨天  
煩襟斗湔浣波瀾信苦孔風力到微管加有建安作大  
軸舒憤懣力闢神臂弓傳似青玉寄自宜造英莖豈直

駢組纂居然膚寸毫搜剗入稀罕諷疾頰渦飛把持手  
爭盥索然貧窶家連挹茂陵益久矣吾衰顏占數還鄙  
鄮長年苦中乾更事筋驚緩比鴈自不材方木宜登散  
赫如千尺光旁爍幽隘窵處此得無猜神觀迷町疇誰  
如富青箱利器未施贊匹馬青螺城戢束聊授館愧無  
青田核相與申燕衍曾是翻瓦甌掇疏仍淪卵雖非夸  
雕俎猶喜從跣袒吾人重解携茲游未應續行看赤驥  
駒萬里脩程坦

送李侯朝散還任一首

有引

李侯朝散倅秀之三月沿牒來洪幾一稔矣今已事還任好事者率有詩送行僕雖不敏敢不佐之

西山閱今昔章水弄清泚雲罍插天半滕閣中隱起青鴛千萬家湖光豁如洗鍾陵一都會信亦非偶爾君來無幾何所得已倍蓰笑談送白日慷慨拾遐軌成詩殆

百篇天籟落凡耳秋標拔孤

闕

膽掉百鬼顧我伯儼

人晚乃識君子未漫禰生刺先倒蔡公屣清揚舞眉間

秀語屑瓊藥囊間雖立見公今無乃是奈何迫歸歔笑

把吳雲指六月江南天煩抱劇含滓輕篙下鯢浪畫槩

搖翬尾高懷傲匡廬醉眼寬彭蠡山長楚甸轉駛席當作

駛扶空紫珠璣紛滿篋銀鉤赫蹠紙野款饒掇英水豢

足絡鯉人生不知它安與樂而已行行勿闕吳中古

來美一官雖翕翼焉往不為仕洞庭五湖間明月清可

蹴鹽豉誇未下尊羹貴千里由來張翰興今復見松水

吾兒洗眼看吾豈倦游士九月秋風高緹騎迎橋李

寄李彥弼端臣

吾生本何為筆墨代耨

京本作耕

未拂衣辭雲林偶與寸祿

會隨翔俗子後如垢不時蹟幾欲臨紫虛標身飛鳥外

時哉不吾與歲晚怵顛沛炯炯平生心誰與論梗槩李

侯西南秀胸腹無留礙表表起孤韻迴颿寫蒼檜筆挫

三十英壯甚敵王愾高舉若木枝直撫靈鼇戴前年帝

王州晤語早傾蓋欣逢妙年客良愧晚晚態謂我文字

工超起

一作忽

到前輩去年清漳許經從不辭再高談破



三鼓陰膽掉百恠是時方窮冬瑟縮寂萬籟滕閣掛星  
斗嵌根眇江帶慙非徐孺榻僅飽吳兒鱠忍為鴟夷笑  
時一作有太白在四騶馳顏年遺跡掃茫昧君今規壯  
圖吾轅方未改青原心欲折合散幾煙靄空懷簡書畏  
未卜簪裾對翻思謝客吟拾月弄雲海

石廊洞

在水新之蓮花村

君不見仙家三十六洞天西南大半盤蒼巔此外元陽  
擅蘄絕况有石廊人喜傳碧蓮參差隅地湧徙倚危梯

飛蟬螻陰陰洞戶半空開一縷聯凹愁寄種萬鈞崔嵬

挂礪石吁可恠一作畏兮若飛動天然湫面尋丈間寒掬

初慳媪神捧紫崖蒙茸瑤草秀懸泉涓涓挹天酒淑靈

豈即乾坤私窟宅宛是神仙舊飛鳥點影陽光回遊子

履深驚殷雷九夏三冬自回斡雨暘寒燠爭喧阗神物

奄有似無謂突兀古廟當巖隈鼃鼃笑舞助恠變落日

愁絕松風哀瞰臨一方殆天意累露之疑此其是仙乎

仙乎胡不歸忍使秋燐泣陰鬼

同楊方士存弭楫圓潭凝因賦詩即事

媼神臂陰關一水下辰卯青玉走萬岑收來不容稍盪  
為無涯津豁研究深窅誰乎張曉咽吞嚼爭一飽復疑  
刺秦魄環柱怒方拗直前孰長驅橫驚孰侵鈔或來浩  
無旁或去削

京本作迹

如剽長年雷車轟盡心轉蓬掃春容

送日月汨渚亂昏曉老蛟非無須一掬擅困窮鰌魴雜  
鰕鰕嬉沫佐陰傲翩彼晉高真羽駕殄遺狡直下洞三  
泉所補決非小今無垂涎憂過者色猶愀蒼波耆舊空

斷石風烟老琳宮跨峻嶒像設儼紉縹爾來南北帆坐  
閱幾飛鳥我作六月游未覺煩暑到撫舊感徂遷商功  
愧論報方寸洗濯心得君此同調



欽定四庫全書

集部  
龍雲集卷四

詳校官庶吉士臣吳烜

侍讀臣孫球覆勘

總校官進士臣朱

鈐

校對官中書臣陸

湘

謄錄監生臣

徐元湘

欽定四庫全書

龍雲集卷四

宋 劉弇 撰

古詩二

次韻和毛正仲胡潛畫鶴歌

青田有仙物脫畧衆凡外駕彼輕舉人邈與五雲會一朝羽羣空誰識真意態有客筆氣捎雲壯寫以全體翩低昂月棲苑是隻清影露警似許聲圓吭舊傳蟬雀傳

輕簾末技枉奏真孱涼非如楚綃削

一作創

秋水迹未拔

陸心先翔叔寶踞瘦骨巢父洗塵戀屋壁擅新誇巾勝  
揜餘玩展疑洞天逼緘恐神物怨因舞成賦良未真緣  
相作經那足神萬黃金輕寸毫重劍術豈啻移裴旻薛  
公鶴手高唐世其人已逐東波逝儻得胡生肖似歸古  
人未必今人非

李宰新成假山

夫子絕俗姿趣尚豁雲海花移洛下品池割天潢派中

間疊嵯峨石骨紛磊功侔一簣始正爾臨夾垵羅浮  
窮南勢迎目出巧恠洗昏新罅發秘匿若有待騫騰天  
吳揖聳削虬尾擺當頭七八峯縹緲散青靄直下三四  
溪何年取東匯洞指白鹿迷路認桃源改時時攻冥煩  
瀟灑遞天籟得非緣夜半提挈有真宰俗物卑培塿高  
標想衡岱我家香鑪傍登躡素心在一從羈官綴未省  
識蟲鬼俯窺撓雲骨逸興幾十倍無為識真假自可蠲  
塵浼何日升君堂把酒取一快



遊浮洲寺寒林亭

吳牛喘月齒髮頽晚陰閣雨雜殷雷一番重釀慰人暑  
徑欲濯澗捫崔嵬潭潭招提此亭在鷗鷺慣客無驚猜  
番君故國號瀟洒巨浸沃日西南來別為瀾茫浩汗之  
沼沚中有晶熒照耀金碧之樓臺錢塘未應邈北顧真  
悠哉飲牛之津幹星渚一色藍英玉奩貯連岡十里卧  
晴虹近竹遠松如抹堵就追神觀所得多清風為我生  
層波有生弔暑乃天性獨快疎櫺亦吾病無論承露盤

未議清涼境安得大地變廣寒相與一世振絺屏簪纓  
頭冠

黃魚鮓寄狄復之因佐以詩

魚有健且脩供庖厥名鱸紛紛水荇中嗜者貪肥鮮  
頷根束短喙鮓皮突鱗肩十月天風高三濡潦聲乾脩蛇  
列長風獵獵排曉湍魚師頓舫舫疑作舫柔髻掛鈎竿小

固不足數大或斤盈千丹膚染霜鍰疎鱗脫連錢吳儂  
喜健噉日取充羞盤我食幸有餘鮓法得新傳薑芥間

紅糝漬以春醅瀾置暖恐後熟幕塵防弗蠲興來發新  
柑正喜供饒咽瓊蕤附骨脆黃臘豐脂團麋鵲信非工  
豈復數蜚蜾醢馬試何事屠虹祇誇謾福州罌如斗密  
覆恨不寬勤勤寄我友持以敵琅玕君識茂先比舉嚮  
知所然此味勝他味勿作等閒看

石港高侯見遺雛鶴輒成十五韻

我生好鶴乃天性得自高侯非所祈啄挿錐芒初穎脫  
頂埋丹顆未依稀親携竊笑髡籠返細看恐先喬鳥飛

三島夢魂迷曉色九秋舞影怯霜威長哦自異晨烏啅  
瘦骨全勝野雀肥無跡可尋華表舊有程應想洞天歸  
精神瀟洒元非俗飲啄安閒似見幾載以畫船休歎望  
浴之野水好生輝漢宮舊拂仙人掌遼海今看羽客衣  
勿為稻粱生健羨第令鷄鶩許投依鳴臯不隔高騫志  
截脛初忘過分譏夜砌行聞清露警午窓終伴醉棊圍  
右軍驚謾誇真賞海客鷗空駭暗機煙月此生真不負  
蓬茅他日肯相違片心便擬成高謝騎去揚州弄晚暉

送李令如堤上部夫

東風日作催花計，減去年來大半春。  
未省春歸向何許，真成等閒愁殺人。  
我欲揖君空酒樽，君刺野航朝涉津。  
翩然揮手謝春去，我欲留之良苦辛。  
沙堤漫漫失故處，下有清海濤頭奔。  
濤頭奔可奈何，江淮由來水事多。  
田家遣丁纔取具，吳歆行勸不煩訶。  
蝸牛小廬亂雲鍾，梓一作上把草夷陂陲。  
我聞神禹又九土，息壤能蟄千丈波。  
獨坐敗堤去，民吏翻笑王尊禦。  
濁河李侯方精強，程

督宜有科民事不可緩田疇久滂沲嗷嗷老將稚意在  
却蛟鼉無為坐嘆息勞事非蹉跎山膚雜水荄強飯時  
吟哦暮歸泊煩促不厭玉顏酡他時解看官門北千里  
長虹卧軟莎

憶昨

憶昨年甫壯弄翰白玉京自許稍不凡笑談揖公卿蟾  
蜍貯書滴彩筆當按橫束琴推隻彈後出笑商聲寧芝  
得孤秀濯靈抽繁縈時時騎箕尾儼擬諸儒生斷經謹

誰何森羅護十兵白袷照青春綠鬢影華纓步兵獨  
駕禰衡有虛名寫懷紫茵閣指日邁西清短翮無逸飛  
顧與俚俗并七年甫一第脫籍纔白丁簿書聊牽強短  
褐戒徂征十月揚瀾浦千里海陵城風濤寸心逼節物  
兩毛驚茂陵饒渴肺臨淄少官情掣肘亦奚補隨翔終  
少成有如蛄蜥蠱蠹米取腹盈丹經徒虛語欲仙骨不  
輕顏年負壯圖白日阻丹誠鄧禹解笑人斯言良未平

人日

去年人日螺江邊今年人日在通川故家浩蕩五千里  
客子騷屑心茫然霜蘆盡解故時葉生意斗爾歸蘭茝  
海風如刀冰塞渡欲航野水雪暗天它鄉信美非吾土  
香草悅魂真浪傳南冠故聲祇操楚劉章雅志惟歌田  
五秉如單費廩粟一囊就盡持食錢顛毛冉冉不吾與  
齒根浮動輕於翮小雀誰言畏死鷄未肯屈折同枯櫬  
章貢直西三徑在爾來望眼欲成穿科桑洗竹真吾事  
孰使齷齪繞充員何時解得無拘束歸釣潭頭楓葉編



同李端臣遊薦福寺禪院

相期采真游驟得青蓮界戴公舊棲隱締構化祇祓古

老張祖乘參兒走巾餅百年沸魚鼓壯一作氣聯青冥

白門三面水天末蘋風起衣重褰濕雲苔幽涼屐齒南

來雙春鋤乾雪點晴湖憐渠足閒淡恍欲與之俱蟹眼

課谷汲分餉雲腴泣落日轉金繩林暝歸鳥急束身事

幽討稅駕苦不早及茲一覲然微君孰傾倒

叙舊贈董承君

并引

弇十年前與董承君議摻執淮上今又相值於故鄉  
契與比舊則有加矣聊欲見之於詩遂賦古風云

摇摇不根舟瀰漫隨

京本作從

所適朝辭呂梁險暮駭瞿塘

迫長波送日月漭與雲海隔晚從天末歸良愧故人識

夫子吾土傑

一作秀

久任詞翰責刺手翻天漿灑作弔古

墨斑斑出素蘊想見豹姿澤憶昨長淮壩半面欣相得

君時天涯官我亦西風客薰絃破愁顏爽

一作寸京本作懷

把

洗連璧吳岑刻

一作削

玉瘦吟對挹佳色顏年瞥眼過十

見溪草碧鍾陵旅學子官况秋蟬翼影撒愧西崦弔影  
心惻惻魑魅競擲揄甚者得鳴嚇由來次公狂僅免陳  
遵謫敢意今者見依然得江國

一作復此  
在江國

鄉情比重裘

暖氣回肘腋南閭與東阡間躡車馬迹古人重交契遠

一作  
悅

有千里憶連牆被何人老死不相覲張陳汨勢利

光初竟何益青原秀撞天螺水藍膏擘襟期

京本作  
君情

方

未央更約浮我白

送邢清臣赴左選

泊舟梅林浦解纜墨潭灣層波日日生  
雙槳那得閒  
眉青翰客相與春風還江梅吹欲盡  
江柳未勝攀無以  
持贈君對君成強顏官况斬新好  
晚步非閒  
直比清夢多半落夷門  
山慙慙尺素語  
毋為魚鴻慳

送真藏主赴泐潭乾老會中

昔別大仰巔今逢章江濱  
浮雲限南北歲月一欠伸  
上人邦閭秀落髮早辭親  
滄浪浴日月一作白日  
初不點垢氛

問師頃何事學佛苦  
賓賓納踵不輟屨  
京本作儒  
無乃太勞

神自云吾西兒腹寶殊

京本作彌

不貧是身難再得所惜劇

飆輪十年躋楚嶠六見匡山春總祐遷秀晉

五人者皆當世禪伯

誰疎復誰親

兩押

束身從之遊驪頷一一捫如疲得熟歇

似笑回孤嗔近聞邑別境寶峯插高旻中有拔俗老疑

馬駒後身食風了不制癢興如爬皴開綠稍暗地梅雨

吹南雲輕於涼風翮笠首携筇孫男兒貴決裂勉哉行

問津

贈前往瑞竹寔禪師

將有所住持而中已故有是贈

清臚上人四十餘二十爰祝髮與鬚惟桑與梓舊螺水

四維施典卧起俱

京本作經營  
百紙不憚渠

陽岐有嫡嗣曰勇得法

殆亦

京本作與

西佛如

京本作俱

昂昂出世建業寺譬

一作如京本作似

上囊口納衆噓金矸子有吼物志

一作師聞初  
廢寢與食

卷鉢攝

筇

一作卷  
東筇鉢

重趼趨玄契妙悟似不偶得未曾有才斯須

京本作  
寧它須

生平學解一朝盡貳負臣忽脫帝拘無端梅柳

漏春信成蹊桃李言略無

京本作巧遲拙速歸雙泯一  
日如脫貳負拘春風破地艷

百卉別有桃  
李言畧無

頃拋瑞竹依章許埋照接衽最下徒楮衾

營席聊卒歲末俗未覺誰龍豬蒼岑白澗謝入境南若

楚岳旁匡廬斜幅繞脰湊初學蟬聯大刹知幾區又其

甚者控闌闌金碧爛日傾國都如師不使正法席笑衆

釋子何迂

京本作其

愚玉虎蟄音久不吐

京本作發

是使一世後

猊虛陋禪趨塊揜孤唱何啻雞蹠隄江湖瀘川南子

一作

安成男子

素狂直為不平者有矣夫雖師

京本作師雖

理自無固

必欲得垂手可後乎由來世事多反覆使我北望長嗟

吁

丫頭巖

弋陽之東當古道有石突兀號丫頭苔侵蘚剝風雨蝕  
骨幹聳削如鏡鏤不知何窻上訴帝叫閤之勢難稽留  
草木焦禿僅比髮獨瞰平臯疑秀發淺深丹頰耀晴霞  
髣髴瓊梳掠初月行人躊躇眸子眩疑女垂羊二字疑亦

何別惜哉偽態苦冒真土俗傳誇疑有神陰崖黝黑崩  
脅腹石眼六七流嵌根君不見望夫嶺嶄嶄亦頑石似不  
徒然肖真魄顙頤廟食爾何補登進雞豚始乘隙安得



金史卷之八十二  
卷四  
擲置八荒外化作膏腴豐稼穡

車盤頌

去年踏雪車盤去今年執熱車盤來去年險澁自其分  
車盤於我何有哉道傍飛礫如積糝幽蔓緣崖不盈攬  
懸知到此客脛酸愁絕雲舒興煙慘半山棲輒擎蕪藏  
旋覺陰機萬鈞壯鐘梵時聞一兩聲妙界還疑落天上  
短褐頭陀揖我言此途詰曲知何年名情利態過萬計  
未聞厭者仍紛然造物驅人不留瞬車盤有盡人無盡

勸君莫歌行路難令人未老華雙鬢

過紫溪驛讀黃安中中丞留題

其卒章云如今只見經游處不見慈

顏淚  
滿衣

金鑾天仙才滲漉膚寸管由來風騷將要出江謝遠一  
生忠孝心倫匹世所罕曩聞奉安輿駕言得茲館喜先  
行輒動榮入絳衣暖佗年逝波痛故國松楸眼春暉草  
心盡日力烏哺短銀鈎壁間字刺落歸粉板捉襟來熟  
復如渴醕竿旡顧我么麼姿辱公披沙揀波瀾沂沿闊

藻火止覘轡公今青雲上功業壯圖滿此詩落人間鼎  
味纔一鬻

宿孫彥僚舍居

先生綠髮隱為已得能

京本作  
一何

多瘠田止三稜諸蔗紛

陽坡自言世情确冰火相戛磨刺身一不售瞥去扁隨

和爾來人累輕但起歸歟歌青冥遙鴻賓紛紛空雀羅

我來卧

京本  
作臨

松檐

京本  
作竹

斗酒客顏酡揮手勢利徒寄之

相諧呵黎明又南首其如梁鴻何

宿法藏禪院二首

斜河左界懸朱提冷燼掠天螢糝飛高梧泣液涼參差  
前村後村烏夜啼雕甍繡栱絕坤維知自在世張禪扉  
有睨釋子龐兩眉清楚一聲捎翠微亂我心曲天之涯  
寂歷故感迎新悲歸歟誰是真忘機獨鹿水深愁濁泥  
白汗泣珠霍如洗桔槔聲噤松風死班如匹馬客戾止  
化人之宮矗天起錯莫形骸寬一寄天涯特地悲身世  
齟齬由來真博齒白頭區區忘男子跋狼之胡虺狼尾

世路傷哉澁如砥

清思

羲和日車說其幅  
白雨洗天泊煩促  
綠蒲紫葍媚回塘  
搖搖瘦青環欄矗  
景長臺榭翳復明  
百尺虹腰粘淨淥  
神觀翛然物外歸  
一簪斑籜動涼颼  
天上廣寒之宮不  
足羨人間縹清百  
斛真吾師

縹當  
作醪

憶黃天倪

游絲罥空生別愁  
我車欲駕羌無輟  
驚風吹花濺紅雨

白日西注僚九投青春九十行過半天脚空隨江水流  
思君度日倚高閣時把長懷寄寥廓古人不願身後名  
但願即時一杯樂安得此身生羽翰高竊便似追飛鶴

村南

村南行吟踏新場馬乘欸段壺懸漿稼如濃雲穠含黃  
柿葉一作栗亞枝收趣霜臘團鷄髀盤餚香簫鼓下神巫  
正狂呼兒往問當壚娘清美何如顧建康

安成道中作六首

故家楚尾隣三湘粗有晴地麻與桑利機未判身輕嘗  
生涯寄將一葉上歸釣潁尾秋滄浪

翠篠娟娟棲暗芳半隱半見誰門墻分曹戲兒疑鴈行  
今我垂垂老境逼竹馬鳩車憐汝狂

波面擲鱗銀作刀波裏陟釐紛暗跳清秋駛扁吳兒操  
會待長風十萬里躍入雲海翻驚濤

愚智紛紛同一朽剪斷愁根莫如酒誰是瓢齋不離手  
但令秋秫登我場不應他日羞牛後

新里當南義櫪北一水中飛抹山帛吳歛楚俚愁狂客  
十年仍作蹇嶮遊羞拾靈棋問通塞

酸然軟雨吹空濛忽掛萬丈橫霄虹陰晴回互倏翕中  
由來天意不可測惜哉庶物終鞠窮

夜嘆

丹鳥白鳥

一作丹鳥白鳥

爭吞吐還雲去雲無定度不無夏簟

工熨體况有秋蜚競扶戶一嘅三嘆詎如許客思紛紛  
野煙縷宵明景晏掛斜河叢萱苒蒨團清露有美一人



在西方白玉珮環珠兩璫明眸皓齒艷朝陽企予望汝  
涕泗滂安得霑汝羅衣裳

送曾該

紛紛夸毗子什伯羅秦缶擊考非無聲顧出俗物後曾  
侯西昌來穎拔殆天就等閒發秀語颯灑如振垢渠黃

京本  
作久為世時一作

生駿骨謝前朽整頓萬里足往矣擅天

廐

畏日三首

畏日杲杲天東隅盤餐逆旅進山膚岑峯遠岫不知數  
磊落近松如有須旅人瑣瑣信物役逝者滔滔皆利徒

目送長雲藉平隰赤驥

一本作驥子

正愁青玉芻

畏日赫赫天南隅漫漫白道盤鬱紆過蛇搖毒宿莽死  
陰崖發赭懸泉枯沉迷未省招楚些激越可是歌吳趨  
目送長雲指萋萋輟鮒愁絕

一作浥

西江濡

畏日慘慘

二字疑別本作慘慘

天西隅半規銜山我僕痛招提訪

尋數里近牛羊斷續前村孤揚塵動滿垢膩瓜好風不

借清涼軀目送長雲下碣磯驚鳥

疑作替見選賦

愁對陂陰

鳬

杉溪驛

驛有鮑朱二婦題識

竹巖杉溪道路長道邊古驛開蒼茫  
分流溪水薄枉渚挨石人家環  
上方王程星火懼將恐霜冬草樹  
芸其黃去來今昔幾男子姓字喧  
傳兩女郎

送席延昌奉議

章水如有情為君生層波匡南萬  
岑玉遙知清興多四

年一官去擲此歲月梭恨無青田核遣君韶顏配

贈法雲守光上人

守疑作寺

日邊開神臯古剎面青嶂寂寥千年後凜凜發孤壯上人蒼葛英絕軀超性相獨鶴嶷瘦姿層冰爛清尚雲游始丁年自副乃孟杖鞭羊去智害盡堊犂郢匠喉呀般若音浩汗卷溟漲衢尊灑法味如取赤子餉九夏天無雲暑風濁於釀汨吾眇西征揮汗迷背項耿耿清涼境一榻岌相向屨滿寧嫌猜目擊自張王禪場推選鋒宛

是音鳴將洗我苦空語盡決濛濛盡覓羅辭銛棘何有  
挂諸妄露地非端倪灑灑白牛放惜哉功名誤未爾寄  
物當他日虎溪傍還期杖藜訪

黃泚

不出東城隅三月今者忽作黃泚遊渾渾大江刮海窟  
黃泚一水學潮頭潮去潮來朝復暮蕭索千里空滄洲  
沙呬土唧亂人眼分曹豈啻魚鰕稠蠹粉飄霜縈折木  
着水凍雲銀麓簌老漁釣壇踏新澱嫠婦績草當空屋

總轡愁聞路人語新年已非故年熟故年麴麥破分收  
新年未省飽饘粥保丁催科不貸人行且稅桑賣黃犢  
向秋但無惡風濤舍北相將拾種稜

北禪水閣走筆

西風涼客衣弭楫滄江潯晚

一作曉

吾事瀟洒聊復此登

臨雲容不礙秋清槎有餘陰煩心洗東波寸目明遙岑

樊籠脫鳥窟搖落弔蛩吟莽墟閑今昔長慨撫孤鐔故

楚冠劍

一作蓋

盡物情幾浮沉懷哉歲將月無為空滯淫

持語朱陵翁須矣吾抽簪

龍雲集卷四

欽定四庫全書

龍雲集卷五

宋 劉弇 撰

古詩三

感遇二十首

歲月忽其除  
颯馬悲凜秋  
商飈號晨林  
脫葉舞梧楸  
鳥邊下白道  
木末揚寒流  
閨人促幽杼  
客子悵遠遊  
雲閣眇天半  
撫景獨遲留  
陰霾掃不得  
千古空滄洲



西方有佳人弱齡三春蘭一顧迷下蔡再笑傾邯鄲青  
樓十二曲密睟勝廣寒寸玉耿孤抱時時寄哀彈孟娜  
久不作宿瘤騁朱丹世道終如此美惡隨所觀吞聲勿  
復道留與蹇脩看

日月跳雙丸陰陽馳四騶海水復清淺萬古信悠悠吐  
哉世俗子真如貉一丘三楚冠劍盡空看逝波流悲來  
俯長劍沾臆淚不收何事馬蹄間非夫良足羞終恐鄧  
禹笑三十未封侯

廬山何崔嵬直上九千尺藤蘿翳蒼茫猿鳥閱今昔  
窳飛薨開了與塵垢隔三十六騰虬瓊扉挂空跡中有  
墨漬翁不飲亦不食文鯁為之使侍衛羅白額遺我一  
卷書生平所不識小兒其無忽持以永朝夕湔掌受翁  
賜恍若吸月液吾將稅椒丘帔霓揮八極

嬈娟誰家子粲粲生輝光弄姿俯春蘭臨風振微芳秋  
水揚清臚白玉雙明璫問渠家何許笑指南山陽去去  
不輟軌恍若游雲翔遙看入縹緲明月斷人腸

蓬萊三神山夜夢游其藩宮堯黃金闕白玉羅九閭正  
見王子喬卧把肘書繙顧謂方瞳人持我謁羨門揮觴  
清露滋行庖屑璵璠一酌祛滯念再酌洗冥昏三酌凌  
紫烟列宿已可捫下觀人間世參差舞丘樊有客撫雲  
璫長離眇飛翻送我若有情徂鑣儼長鯨悵望不得留  
東窗已朝暾

我慕徐孺子飄然不繫蹤屢辟竟不起三府為一空當  
時坐支黨商飆掃萍蓬或橫取鉗鋏或逃為雅舂南州

卑薄地斯人出其中一丘與一壑自謂過諸公坐榻解  
陳蕃生芻弔林宗維顛非一繩何獨識汙隆至今清章  
湄千載揚高風寫懷寄白杜寂寞吾馬從

西山有靈丸五色發光耀餌之生羽翰可以後天老莊  
楊擲斗筭宇宙決籠罩往逢洪崖生揖我顧我笑手披  
真形圖持杵剖丹竈竦身跂雲煙一息僅不到終為俗  
骨累累凜凜驚頭葆咄嗟魏文帝空悲跡如掃

士也方蹭蹬愀愴不得官得官無幾何日刷凌風翰九

衢無閒塵暢轂走朱丹一為轍跡誤翻身落波瀾愁來  
歌黃鵠淒感入脾肝千載上東門爾來誰掛冠犬遺下  
蔡恨鶴起華亭歎冢間與林下疏傳正蹢躅

驅車出郭門四顧心茫茫玄蟬不知愁十百號枯桑東  
北有故宮云是許旌陽旌陽昔仙去雞犬亦隨翔云何  
夸毗子乾沒走康莊徂年不可挽綠髮忽已蒼我欲拂  
衣垢駐景吸晨光駕言從朱陵荒兮其未央

鄭謂璞為玉周謂璞為鼠處物無定形公議歸何許子

都斥弗御世或貴嫖母棄鼎寶康瓠楚客非虛語紉彼  
荃與蘅臨風結雙組吾將駕西崑拾玉老懸圃

富貴苦不常忽則輒易人青門聚瓜客曾是故侯身金  
鏡失秦家中原駭煙焚屠狗販繒子閭閻排氤氲一逢  
泗水公濯鱗清滄濱信知天地間虛橐鼓游塵冥中有  
巨力呼吸旋峨岷肘股不輟弄挈故還趨新得失定有  
寄無為喪吾真

穆滿騁八駿濯濯萬里足朝賓王母家暮抵胥飢宿揮

觴謠白雲擁雪歌黃竹歸來七萃空一舉亡漠曲其樂  
安在哉禍胎真瞬目荒矣秦漢君睢盱究前躅射蛟長  
江波寫涕之罽麓彌年滄海傍神仙杳難屬頽年寄西  
崦未必不為福

翩翩外黃兒片玉駐青春鏐兵彼項籍管艾視吾民從  
容出談笑桑梓脫沉湮翻吐蹈海客胡為苦逃秦射戟  
與弄丸解紛竟勞神生子不蚤慧惜哉襄城人

神器不可為天下乃大物唐堯禪虞舜茲謂能事畢奈

何燕之噲智詐窮晚出子丕代衰漢真情愈難詰切雲  
鏤豐碑豪誇灑雄筆當時許昌事埋沒十六七那知石  
勒笑正在騁欺術茫茫千載間高光竟誰匹

芒碭彼真人元是赤帝子游氛決秦餘最後項籍死青  
雲躋高衢侯王興壯士咸陽初置酒猜似從中起罇俎  
化胡越對面邈千里君王忽天贊顧謂封雍齒軍中相  
與言事故易了耳雍齒今且侯吾屬無患矣炎四百  
秋按堵從此始



我聞迷塗說未遠勝不還云何之楚客北首驚燕山  
趙獨足笑短尾陰狐鸞疑作彎短狐蟲名荆棘與風波平地乃  
等閒君平反初役無為跌其間步兵足長慟楊朱彫泣  
顏經涂有九軌聊以慰躋攀

昔人泣崑崙泣使變清流嫠婦不恤緯瑣瑣悲宗周薄  
蝕叔輒號負阻愚公愁曾無百年身浪自遺私憂野馬  
襲日觀蚍蜉控岑樓齊客有高蹈冀山無輟耰足已不  
累物一毛輕九牛寄言悠悠子毋詒尸祝羞

快牛為犢時數能破人車馱駟生七日超母每有餘經  
奇本自天豈直循斯須里社有病樗黔南有駁驢一生  
便凡散嗤彼衆所俱下愚與上智此理信不誣

疾雷疑車音出門乃知非抱影長自明流螢點霜幃羅  
帶翦秋水黃金縷春衣持看清夜闌愁無故時輝食葵  
心知傾如蠟腸虛肥纂纂纂下歌惜此歲月違因聲勸  
語儂勿復遲遲歸

秋日儀真即事十首

秋風來從越天末痛洗玻璃出明月雲罍隱起玉龍眠  
下有春容萬濤雪獨靈之綸歌一葉半酣老漁棹歌發  
客心寸許了無多底事臨風吹欲折

野雲墮姿渾貼

一作點

江過雨宵風鬧斜行秋聲夜半洗

寥廓十萬屋瓦浮青鴛樓頭縹緲下簫鼓羅襦綺襖暗  
行觴紛紛傖楚不足數更甚吳儂來去忙

兩兩飛來江上鷗顏色自欲逼人頭夢如一雨過疇昔  
身似五銖輕轉流紛役葦白狂不徹糾結蓼紅嬌欲浮

五胸之脯一坵鮓笑問鷓鴣夷乾得不

湖海有士豪不除坐客下牀初若無霜瀾洗出不埋魄  
十里但見陳公湖英雄身外亦何有要使憎勿遷諸胥  
彼羞杖晚唾遠者似不名與天年俱

丁字河頭文錦翼似是東園故鷓鴣天風蕭蕭吹汝急  
遣汝周章無好色江籬疑作草罽屨過行人一顧為之三

嘆息我願舴艋從溪翁雙春鉏邊作幽客

秋入前山瘦如刻楚弄吳吹沸江國魚龍爵馬一作燕爵安

在哉粉白黛黑埋真色迎鑿誰是當時人胚胎黃金仍  
掃迹飛來蜀岡爾何事似欲撞空爭峩峩

客從南來一何癯烏紗不屋非縵胡散堆亂帙覘午鏹  
穿穴殫殘真蠹魚尋橐雖工亦未計立仗不鳴甘豆芻  
昔人舉肥我今爾安得外澤如瓠壺

艾宣蘆鴈天下知頃聞東園

一作國

頗有之蕭蕭自含風

雨韻一一對峙江湖姿隸丘呵護脫不謹剝蝕挽裂遺  
松楸由來藝固不逮德突兀但有文忠碑

無根濤頭萬瑤垵曾是隨風起生滅不應散裂泥人綃

大似半

一作平

吞廣寒月紛紛何用辨馬牛皖皖相矜笑

蛙鼃會得秋時買野航別看吳兒舞狂雪

曲隄貫魚銜萬艘戶有輕薄千金豪瓦甌一引徑舍去

客主似獨心相高利機舞眉手搖弄鼠子乾沒窮銖毫

只今大門盡

一作老

谿壑死不盈厭寧此曹

### 過東流聖感寺

客從西南來明發倦流徙寅緣泊煩促羈鳬染

一作點

寒

水祇園開陽方百年此經始陂陀一水去騰蹶數峯峙  
軒楹仍東闢晚秀皖如洗物隨眄移一息間三起僧  
閒神自定童野髮不理平生腐儒計鞍肉蝕兩髀眼力  
耗蠅頭半豁綴旒齒崖澗飽所經茲乃形性侈疾走影  
不休兼忘竟何是

按田行

野鷲蹲枯桑白日忽西注一水東南奔驚雷洩濤怒越  
聞淒涼弄滯念劇攢蠹歲時倦客身雲盲前村路應門

白癡子覘轡竊指顧強點笑官人彌年此來去田家不  
諱窮誰者當豐阜摘刈豈吾心寬攸疑作寬假  
草書誤惟爾故  
行矣渠未央遑恤兒女語

持釣

艇子悠揚打雨來  
裊絲越箭青玫瑰  
昨聞古湫新雨足  
漲波泛入西溪來  
西溪兩岸行人少  
白鷺對翹佳客陪  
低雲弄嬌不成去  
半與枉渚相縈回  
藻間賴尾廁銀鯽  
正爾作羣爭曝腮  
故應沈餌得所置  
行醉甕間新熟醅



宿長山寺二首

蒼山兩蟠虬傑勢分天矯不緣事幽尋茲地終難到破

暝紫煙生寫谷

一作涼

清樾好

一作老

村長下牛羊雲綻

一作

決雲入歸鳥松風卷孤磬夜半秋聲小客懷方未央千里

漫白道庭樹一

一作據

鳥驚愁看楚天曉

客心秋螢點更覺永夜孤麗眉彼上人主禮良渠渠揖  
我顧我笑坐我庭之隅飲我葉家白悅與顥氣俱玉露  
下金井缺月低雲衢擾擾百年身終慙窘囚拘黎明掉

塵鞅畢景真良圖

遊麻姑觀用黃道士韻

鳥道參差掛空白雲林曾是飛昇迹誰論滄海復揚塵  
已識秋杉老岑寂玉駕班龍飛九色古殿崔嵬遺石刻  
會須揖彼丹丘人掇拾頽年茲偃息

夜泊玉湖口

流溪一瀉驚磨垢夜繫蒙衝玉湖口青燈明外

一作處

稍

知村白鳥飛邊初辨斗風死波閒坐來久短髮欲搔慵

着手一泓清淚墮吳雲橫管叫秋龍子瘦

桃葉行

君如秋菊英妾心流螢光擬吐方寸照明月終相妨桃  
葉聲亦苦千秋斷人腸渡江不用楫遺識乃在梁報言  
青春子慎勿學輕狂

何塘精舍

松閣竹淡

一作靜

清午陰金地少塵門更深忽從襌裊出

重閣飛梯十尺下瞰臨有客觸熱來自東汗絺裊暑一作

梔慳天風賴龍揚  
簪日轡緩碧椀先一作空愁井絲短

永新法雲上方

石廊西頭物色好  
別有淨界擎青蓮  
玉虹掛門一水割  
碧雲一作鱗差徑千家連  
浩歌流年客尊酒  
高卧白日僧  
華顛夜涼散髮弄  
明月更欲挽駕青  
翰仙

發廬陵

不作釘根桑翻為  
凌飆蓬五年三羈  
旅羞哭畏途窮今  
者久事縛宛然遊  
羿弓誰尸造物柄  
鼓我吹噓中雲航

開急漿勢奪編蒲風黃洲轉頭失旋指墨潭東旅鴈聲  
其儔四五翩書空暝色天水接俯仰雙青銅幽情隨岸  
愜眇與魚鳥通酒力秋後葉扶衰借霜紅詩敵千蛇矛  
稍取別愁攻男兒貴健決吾豈專棲雄

鐵柱觀

鐵柱聞故老蟄根長江幽高真此翩躑瘡痍吾人憂純  
鉤推三尺斬蛟白濤頭功成去人間雞犬不得留班龍  
駕九色一別忽千秋疊構開琳琅夜壇空斗牛寒梢碎

涼月縹緲燦文髹紛吾感遺事寫涕東南流麻姑行老  
大海變繞蛇丘逝將理荃撓弄睨眺滄洲

舟次生米值風作

東北有雲如搜墨

搜音上聲

舟子熟視無人色忽然白氣變

飛飈拗怒波神起乘隙初從下游架玉壘須臾一望熬  
酥白琳宮蒼茫失向背野鳥高飛避漸翼紛紛翮舞殊  
未酣萬馬躍入朝周客陽侯睚眦推選鋒勢欲盡取奔  
鯨磔崩騰豈甞陵谷改刷滌似病津涯窄大舟踉蹌愁

失据小舟呼天手加額間於盤渦折腥沫疑課鮫魚助  
奔擲瀘川病客數欲僵賴是絙縻逃不測等閒覩縷戒  
衣襦倉卒何功補淪溺晚來風死回安瀾由自漫空認  
飛礫咄嗟鴻毛寄微命一朝濱死真兒劇明知屏翳不  
吾欺何堪失便垂涎得

大孤山

章貢

二本作漳濱

西南來銀濤白

京本作自

浮天揚瀾開泛濫如

剖大腹然茲山遙相望盤薄知何年海風一何高吹落

蓬萊巔浮根叢氣母弄影白日邊赴渴夸父奔閭騫踵  
不旋軒軒執法臣立當天子前穹螺出佛髻青跗帶秋  
蓮瑠璃千丈髻忽與冰箔連

二本皆作穿

鳴榔巖腹雨挂席

浦外煙鶴駕控不返空遺紫芝田杳壺初爭豪落星纔  
一拳擢秀蒼梧雲發彩翼軫躔上窺杳冥無極之層霄  
下控彌茫不測之重淵松蘿參天歲月老清瀾泛沫魚  
龍間中有神謁臨躋睨舟往還流俗謂女子影纓來此  
山香脂間綃繒鵞猪捧羞盤至以孤為姑考究初無端



可憐俗好恠此語良大漫神固不可誣何得正以女子  
觀吾言庶幾為不妄不然茲山徒與望夫女几爭巔屹

贈知訓上人

英英商顏芝遠在青蒼岑雲烟適有寄為端本非心往  
聞攀緣人紆軫恣所尋一落城市間苾芻護蕭森鯨魚  
叩蒲牢大吼洪鐘音巖巖清冰骨外垢不得侵試從古  
人求絳鉢中支林定關發遠洙慧劍韜長鐔招提始嘗  
聆湊汨塵端馱辨秋黃落一見知非佞人懲躁雪煩

真刮膜赤髭由來號該洽况有新詩堪發樂俊如驍壺  
輩中出秀甚巉巉麟一角卑枝雨過結留萸曲汜萍開  
窺哺殼紫茸緝春柔輕屐不躡跟白疊擁方袍皖如崆  
峒雲時時好事者巾屨喜及門隨緣綴香火高謝乃世  
紛齒先衆一飯獨傲傾義輪顧我紛紛何所為年來病  
眼欲成眇風情落莫非故時未適乘去唯應詩辱師勤  
請過六七獨恨瑣瑣無經竒強顏終篇使持去着足成  
累庸非師

寄李知章

文章盛自元和間，誰其傑者柳與韓。  
二公秋鶚擅神俊，天使側翅擢誇謾。  
卷收萬象付寂默，神恠鬼竄皆殫殘。  
詩書並馳可終古，豈止唐世論不刊。  
陋儒睚眦百年後，

摻

摻宜是  
操字

筆乞乞愁脾肝，問津誰當語博望。  
初步竟笑

非邯鄲紛紛，綳縹灑飛礫埋。

闕

詰非一端之子清才

如振綺綠髮，照春容激。

闕

鄉評舊許擅螺水，文戰曾是

塵桑乾。自云從事二公者，用意能到衆所難。  
新詩遺我

章江曲百首洗出青琅玕蒼梧雲生逼齒潤溟海月借  
吹衣寒由來青萍止三尺天末斗牛曾上千流塵不隔  
自為快寧與折鐵論淒酸何由鞭鯨肅吾駕看子切雲  
重整冠

贈善懼禪師

有引

懼禪者南安人中瓶自副方栖集仁山之隆慶也安  
成劉弇過焉而異之曰是乃金地之五芝慈林之  
一鷄也西證外號工古律歌詩今時衲子中決不

多得則與之遊為尤舊蓋百往不厭也歲八月予調  
官就道惜其不得數相即而又恐師忽一日擲去也  
留詩以遺之且引諸其端云

劫塵吹冥冥人乃萬物一流浪苦趣中奚啻焦豕蟲爰  
有勇猛子間以捷脰出一念得西證茲謂能事畢誰其  
秀開士懽也早竒崛親更藥病師熟寐警孤叱祖關決  
重鍵法肆躡通術顏顏空王臣排嶂方山屹又如富兒  
曹百寶爛私室况有清整姿宛是青田匹憶昨螺水曲

蹶然契微密眉宇殊津津襟期洞無窒詩成泣神姦  
渙湧新帙長驅筆陣閒坐諷秋蛩唧蕭條晝公後微子  
吾幾失方期汗漫遊悵別念茲日孤雲爾錫駐過鳥吾  
帆疾聊作魚相忘無多嗤蚌鷸

送哲公禪老二首

有引

拈公禪老住奉新之人王院於其取別也送以二首  
有鶴青田來骨傲九秋老羽毛雞鶩間不復故時好吳  
霜割清夢一夕落幽島哲乎開士秀佛路著鞭早世界

糊空雲一以涼颿掃往聞琅琊覺禪海卷狂潦紛紛方  
袍子未易艤舫到師如健嗽兒把握攫梨棗爾來三十  
年方寸不貲寶鯨鍾人誰識聊徇衆擊考又作雲山行  
方將同木槁勿學斷緣人時寄新詩藁

我聞豫章境勢勝所至生山皆撞空活水有照骨清其


間佛老宮

京本作  
構佛宮

往往聯飛甍人王邑一隅古屋纔數

楹塵點自不到日飽松風聲十丈挂溪影虹橋挿崢嶸  
擲掄下鸞臚踉蹌笑磨磨師方得所欲振錫了不撓非

如入流子橫計多餘羸秋畦蹲鵝老晝飯宜香杭由來  
介石身忽作歸雲輕





龍雲集卷五